

醫方選要卷之七目錄

五疔門

附論

加減五苓散

葛根湯

春元飲子

山茵陳散

加味四君子湯

茵陳湯

當歸白朮湯

白朮湯

桂枝加黃芪湯

茵陳散

黃芪湯

滑石散

嗜藥瓜蒂散

黃連湯

犀角散

紫金圓

大溫中圓


金黃圓

穀疸圓

治黃疸効方

脚氣痿痺門

附論



檀蘇散

烏藥平氣湯

神祕左經湯

蒼朮散

羌活導滯湯

當歸拈痛湯

加味敗毒散

清燥湯

溫腎湯

獨活湯

導氣飲

紫蘇散

桑白皮散

藿香養胃湯

補肝湯

蠲痺湯

五痺湯

附子入物湯

三痺湯

茯神湯

巴戟天湯

雞鳴散

十全丹

五斤圓

不老地仙丹

擒虎丹

牛膝圓

續斷圓

乳香宣經圓



自汗盜汗門

附論

木附湯

桂枝湯

當歸六黃湯

黃芪湯

大建中湯

麥煎散

建中湯

牡蠣散

周衛湯

四白散

牡蠣白朮散

撫芎湯

團參湯

五倍子散

白朮散

止汗溫粉

又止汗粉

怔忡健忘動悸門

附論

益榮湯

茯苓飲子

歸脾湯

十味溫膽湯

養心湯

葉氏養心藥神湯



葉氏定心湯

人參固本圓

八物定志圓

寧志膏

平補鎮心丹

妙香散

定志圓

壽星圓

二丹圓

祕傳酸棗仁湯

安神圓

十四友圓

參乳圓

疝氣門 附論

聚香飲子

蟠蔥散

補腎湯

益智仁湯

木香散

沉附湯

桂薑湯

祕傳養血內消圓

橘核圓

茴香散

沉香內消圓

金鈴圓



三菜圓

木香導氣圓

積熱門

附論

涼膈散

洗心散

四順清涼飲子

清氣散

消毒犀角飲

黃連解毒湯

黃芩湯

既濟清神散

三黃圓

薄荷煎

大金花圓

神芩圓

龍腦雞蘇圓

噲化三黃圓

牛黃涼膈圓

玄明粉

酒蒸黃連圓

醫方選要卷之七目錄畢



醫方選要卷之七

五疸門

良醫副臣周文采編集

夫疸者謂濕與熱鬱蒸於脾胃而目肢體爲之發黃是也疸之名有五一曰黃汗者身體俱腫汗出不渴其汗能染衣黃如藥汁此由脾胃有熱汗出爲風所閉熱結於中其汗黃也二曰黃疸食已即飢遍身俱黃但欲卧小便澀黃憎寒壯熱此酒麪炙燻蘊熱痰滯而得也三曰穀疸食畢即頭眩心中怫鬱不安遍身發黃此脾胃有熱因大飢過食有傷胃氣所致也四曰酒疸身目俱黃心中懊痛足脛滿小便黃面發赤



斑此由飢中飲酒大醉當風入水所致也五日女勞
疸大勞淫慾大熱交接衽席未幾遽就浴室以致發
熱惡寒小腹滿急而身目俱黃也五者之證雖不同
而其爲黃則一也原其所自未有不由濕熱而致者
也濕也熱也又豈無輕重之別乎濕氣勝則如熏黃
而晦熱氣勝則如橘黃而明蓋脾主肌肉土色本黃
濕熱內蒸或重或輕自然見於外矣自其濕熱痰而
傷血此又爲血證發黃何以明之疸證之黃小便不
利血證之黃小便自利耳夫脾受濕熱鬱而不行亦
多有腹脹之候治法大要疎導濕熱於大小便之中

如茵陳五苓黃連三黃之劑皆要藥也然又單陽無
陰病勢已極疸而不渴猶為可療疸而後渴其或腹
膨則為難治矣甚者寸口無脉鼻出冷氣與夫形如
煙薰搖頭直視為心絕環口顰黑赤汗發黃為脾絕
雖遇盧扁亦將不救孰謂黑疸其可療乎

加減五苓散 治飲食伏暑鬱發為疸煩渴引飲小便
不利

茵陳

猪苓 去皮

白朮

赤茯苓 麩

澤瀉 各二錢

右吹咀作一服用水二鍾煎至一鍾食前服一方有

桂心七分

葛根湯 治酒疸

乾葛 三錢

山梔仁

枳實 炒

豆豉 已上各二錢

甘草 炙一錢

右作一服用水二鍾煎至八分不拘時服

秦艽飲子 治五疸口淡咽乾發熱微寒

秦艽 當歸 酒浸

芍藥 白朮

官桂 茯苓 去皮

熟地黃 酒蒸 陳皮

小草 川芎 半夏 湯泡

甘草 炙各一錢

右作一服用水二鍾生薑五片煎至八分不拘時服

山茵陳散 治疸證發熱大小便秘澀

山茵陳

梔子

各二錢

赤茯苓

枳實

各一錢半

葶藶

葶草

各一錢

右作一服用水二鍾生薑三片煎至一鍾分服

加味四君子湯 治色疸

人參

白朮

白茯苓

白芍藥

黃芪

白菡豆

炒各二錢

甘草

炙一錢

右作一服用水二鍾生薑五片紅棗二枚煎至一鍾

不拘時服

茵陳湯 治時行瘧熱在裏鬱蒸不散通身發黃



茵陳 一兩
大黃 三錢
梔子仁 半錢

右作一服用水二鍾煎至一鍾不拘時服

當歸白木湯 治酒疸發黃心胃堅滿不進飲食小便

黃赤其脉弦濇

當歸

黃芩

茵陳

甘草

炙已上各二錢

白朮 二錢

半夏

湯泡

杏仁

去皮尖 麩炒

枳實

麩炒

前胡

各一錢半

茯苓

二錢

右作一服用水二鍾生薑三片煎至一鍾食遠服

白朮湯 治酒疸因下後變為黑疸目青面黑心下如

啖蒜虀狀大便黑皮膚不仁其脉微而數



白朮

桂心各二錢

豆豉

枳實麥炒

乾葛

杏仁去皮尖炒

甘草各一錢

右吹咀作一服用水二鍾煎至一鍾食前服

桂枝加黃芪湯 治黃汗身腫汗出已輒輕久久必身

潤胃中痛腰已下無汗其腰弛痛如有物在皮中刺

者不能飲食煩躁小便不利

桂枝 二錢

芍藥 三錢

甘草 一錢

黃芪 三錢

右作一服水二鍾生薑五片紅棗三枚煎至一鍾食

遠服仍飲熱粥以助藥力

茵陳散 治黃疸食已即飢身體面目爪甲牙齒及小



便悉黃寒熱或身體多赤多青皆由酒食過度為風濕所搏熱氣鬱蒸而成

茵陳

木通

大黃炒

梔子

各一兩

石膏

二兩

栝蒌

一箇

甘草

炙半兩

右咬咀每服五錢水一盞半生薑五片葱白一莖同煎至八分去粗不拘時服大小便秘加枳實赤茯苓
葶藶又有傷寒瘀血不鮮鬱發於表發為黃疸其脉浮緊當以汗解獨煎麻黃湯飲之

黃芪湯

治黃汗身體腫發熱不渴汗出染衣黃色

黃芪

去蘆蜜炙

赤芍藥

茵陳蒿

各二兩

石膏

四兩



麥門冬 去心 淡豉 各一兩 甘草 半兩

右吹咀每服五錢用水一盞生薑三片竹葉十四片

煎至七分去粗食前服

滑石散 治女勞疸

滑石 一兩半 白礬 一兩 火枯

右為細末每服二錢用大麥粥湯食前調服以小便

出黃水為度

噤藥瓜蒂散 治黃疸遍身如金色累効

瓜蒂 二錢 毋丁香 一錢 黍米 九粒 赤小豆 一錢

右為細末每夜用少許吹兩鼻孔內噤入便睡明日



取下黃水次服黃連散

黃連散 治黃疸大小便秘澀臟腑壅熱

黃連

大黃

各二兩好醋拌炒

黃芩

甘草

各一兩

右為極細末每服二錢食後溫白湯調下日三服

犀角散 治急黃心膈煩躁目赤痛

犀角屑

黃芩

升麻

梔子仁

已上各一兩

茵陳

朴硝

各二兩

右咬咀每服五錢水一盞竹葉三七片煎至六分去

粗不拘特服

紫金圓 治脾胃食積結塊令人四肢怠惰身面俱黃



肚腹膨脹俗名黃胖病此藥能理脾胃消積聚退黃
去脹進飲食

針砂銀錫內醋炒赤色研

紫金皮酒浸

香附子炒

三稜煨

蒼朮米泔浸焙

陳皮

青皮

厚朴製

砂仁各一兩

右為細末麩糊為圓如梧桐子大每服三十圓食前
白湯送下或酒或川椒湯亦可忌沙魚牛肉等物

大溫中圓 治食積黃腫病

陳皮

蒼朮米泔浸

厚朴製

三稜煨

蓬茂煨

青皮各五兩

香附子 一斤 甘草 二兩

針砂 醋炒紅 三兩

右為細末醋糊圓如梧桐子大每服五十圓空心薑湯下午後鹽湯下臨睡溫酒下

金黃圓 治酒積食積諸積面黃疸積硬塊

荆三稜 各二錢半 牽牛 各二錢半 巴豆 四十九粒共油 黍米粉

香附子 各半兩 澤瀉 一錢半

右為細末用梔子煎湯和圓如棗豆大每服三圓至五圓食遠用白湯送下

穀疸圓 專治穀疸

苦參 三兩 龍膽草 一兩 牛膽 一箇 取汁



右爲細末用牛膽汁入少煉蜜和圓如梧桐子大每服五十圓空心熟水或生薑甘草煎湯送下

治黃疸効方 用生蘿蔔子焙爲末白湯調下日三服不拘時每服二錢

久...

五...

黃... 治酒... 積... 黃...

煎三核

牽牛

巴豆

黍米粉

香附子

澤瀉

右... 湯... 和... 圓... 如... 湯... 大... 每... 服... 三... 圓... 至...

前... 候... 衣... 白... 用... 主... 薑... 當... 子... 豉... 為... 末... 白... 湯... 隨... 下... 日... 三... 服...

若... 正... 圓... 堅... 必... 煎... 水... 如... 主... 薑... 甘... 草... 節... 湯... 送... 下...

或... 煎... 末... 用... 茶... 飲... 入... 少... 煎... 送... 下... 圓... 或... 甜... 附... 子... 大... 煎...



氣痿痺門

脚氣之疾內經名爲厥病至漢名爲緩風宋齊之後始謂之脚氣名雖不同其實一也所得之由皆因脾腎兩經虛弱坐卧行動之間而爲風寒暑濕之氣所干流注而成此疾得病之始多不令人便覺會因他病乃始發動或奄然大悶經三兩日方覺之先從脚起或緩弱痿痺行起忽倒或脛腫滿或足膝枯細或心中忪悸小腹不仁大小便秘澁或舉體轉筋骨節痠疼或惡聞食氣見食吐逆或胃滿氣急壯熱增寒傳足六經外證與傷寒類焉但卒然脚痛爲異耳其

爲候也不一治法當究其所自來若寒中三陽所患
必冷暑中三陰所患必熱脈浮而弦者起於風濡而
弱者起於濕洪而數者起於熱遲而濇者起於寒也
風者汗之濕者燥之熱者清之寒者溫之又當隨四
時表裏虛實而治之切不可用補劑及湯淋洗此醫
家之大戒也蓋補則氣實多致不救淋洗則邪毒入
內亦難治矣治之不早使毒氣入腹衝心攻築作痛
喘滿上氣嘔吐異常此則漸致傾危其可忽耶若夫
痿者謂足痿弱不能行也經云肺熱葉焦傳於五臟
因肺熱脾虛相搏而爲足痿躄也難經云骨痿不能

起於床者是也治痿之法當補腎水瀉心火則愈矣
何以言之蓋補腎水則心火自降而肺金不虛瀉心
火則肺金自清而肝木不實肝木不實則脾不受傷
心火不盛則肺不燥熱治痿之法無出於此矣至於
痺者亦有五種謂筋痺脉痺肌痺皮痺骨痺是也此
病多由體虛之人腠理空疎而爲風寒濕三氣所侵
不能隨時驅散流注經絡久而爲痺其爲病也寒多
則掣痛風多則引注濕多則重着其病在筋者屈而
不伸應乎肝其證夜卧多驚飲食少小便數其病在
脉者則血凝而不流應乎心其證令人痿黃心下鼓

氣卒然逆喘不通噎乾善噫其病在骨者則重而不能舉應乎腎其證手足不遂而多痛心腹脹滿其病在皮者多寒遇寒則急遇熱則縱應乎肺其證皮膚無所知覺氣奔喘滿其病在肌者多不仁應乎脾其證四肢懈怠發咳嘔吐胗其脉大而濇或來急而驟俱爲痺之候也治法當視其所感風寒濕三氣注於何部分甘平表裏須從偏勝者主以藥餌又有停蓄支飲亦令人痺當隨證治之至如白虎歷節遍身疼痛者無非一風寒濕三氣乘之也若飲酒當風汗出入水亦成斯疾久而不愈令人骨節蹉跌恐爲癩癘之病

治疾者誠心辨別脚氣痿痺之證則庶乎其不差矣

檳蘇散 治風濕脚氣疼痛踈通氣道

檳榔

木瓜

各一錢半

香附子

紫蘇

各二錢

陳皮

甘草

各一錢

右作一服用水二鍾生薑五片蔥白二根煎至一鍾

食前服

烏藥平氣湯 治脚氣上攻頭目昏眩脚膝酸疼行步

艱苦氣不和喘滿迫促並皆治之

烏藥

茯苓

去皮

白芷

當歸

去蘆

白朮

五味子

川芎

紫蘇子



人參

木瓜

甘草

各錢

右作一服用水二鍾生薑五片棗二枚煎至一鍾食

煎服

神祕左經湯 治風寒暑濕流注是三陽經手足拘攣

疼痛行步艱難增寒發熱自汗惡風頭眩腰重關節

掣痛大小便秘澁或腹痛嘔吐下利兩腿頑麻並皆

治之

麻黃

去節

乾葛

細辛

厚朴

去皮 薑製

茯苓

去皮

防己

羌活

枳殼

麩炒

防風

去蘆

麥門冬

去心

黃芩

各一錢

肉桂

去粗皮

柴胡 去蘆

半夏 湯泡

小草 白薑 炮

甘草

各五分

右作一服用水二鍾生薑三片棗二枚煎至一鍾空

心服自汗加牡蠣白朮去麻黃腫滿加澤瀉木通熱

甚無汗加乾葛橘皮前胡腹痛吐利去黃芩加芍藥

及炮附子大便秘加大黃竹瀝喘滿加杏仁桑白皮

紫蘇凡有此病參詳逐一加減無不愈者

蒼朮散 治一切風寒濕熱令足膝痛或赤腫骨間作

熱痛及腰膝臂髀大骨疼痛令人痿痺一切脚氣百

用百効



蒼朮

用米泔浸一日
夜鹽炒

黃蘗

去粗皮酒浸一日
夜炙焦各五錢

右咬咀作一服用水二鍾煎至一鍾食前服日進二

三服

羌活導滯湯 治脚氣初發一身盡疼或肢節腫痛便

溺阻隔先用此藥導之後用當歸拈痛湯

羌活

獨活

當歸

已上各一錢 防已 半一錢

大黃

四錢

枳實

炒一錢

右作一服水二鍾煎至一鍾食前服

當歸拈痛湯 治濕熱為病肢節煩疼肩背沉重胃膈

不利及遍身疼痛下注足脛腫痛不可忍

方見腰脇痛門

加味敗毒散 治三陽經脚氣流注脚踝上炊熱赤腫

寒熱如瘧自汗惡風或無汗惡寒

羌活

獨活

苳胡

前胡

去蘆

去蘆

枳殼

麩炒

桔梗

去蘆

人參

去蘆

茯苓

去皮

川芎

甘草

炙已上各一錢

蒼朮

米泔水浸炒

大黃

蒸各二錢

右作一服水二鍾生薑五片煎至一鍾食前服皮膚

癢癢赤疹加蟬蛻煎服

清燥湯 治濕熱成痿以燥金受濕熱之邪絕寒水生

化之源絕則腎虧痿厥之病大作腰已下痿軟癱瘓

不能動履者宜服

方見中濕門

溫腎湯 治面色痿黃脚痿弱無力陰汗出

麻黃

苈胡

各六分

白朮

黃蘗

酒炒

猪苓

白茯苓

去皮

升麻

已上各一錢

防風

去蘆

蒼朮

各一錢半

澤瀉

二錢

右作一服水

鍾煎至一鍾食前熱服候一時方可

飲食

獨活湯 治脚痺

獨活 二錢

乾薑

炮一錢半

大豆

粒五十

附子

去皮



當歸

防風

去蘆

茯苓

去皮

芍藥

黃芪

葛根

人參

去蘆

甘草

各一錢

右作一服用水二鍾酒半一鍾煎至一鍾食前服

導氣飲 治寒濕脚氣腫赤少疼痛心腹膨脹頭面手足

浮腫身體腰背疼痛並皆治之

羌活

獨活

木瓜

薏苡仁

青皮

陳皮

枳殼

桑白皮

紫蘇

檳榔

木通

大腹皮

赤茯苓

大腹子

青木香

甘草

各一錢

右作一服用水二鍾煎至一鍾食前服有熱加大黃



寒加蒼朮

紫蘇散 治風毒脚氣脚重虛腫

紫蘇

木通

桑皮

小茴香

炒各八分

枳殼

一錢七分

羌活

獨活

荆芥

木瓜

青皮

甘草

炙各五分

大腹子

二錢二分

右作一服用水二鍾生薑三片葱白一莖煎至八分

空心温服

桑白皮散

治脚氣盛發兩脚浮腫小便赤澀腹脇脹

滿氣急坐卧不得

桑白皮

郁李仁

各一錢

赤茯苓

二錢

木香

不見火

防風

大腹子

各五分

紫蘇子

炒

木通

檳榔

青皮

各七分半

右作一服用水二鍾生薑三片煎至八分食遠温服

藿香養胃湯 治胃虛不食四肢痿弱行立不能皆由

陽明經虛宗筋無所養遂成痿躄

藿香

白朮

神麴

白茯苓

烏藥

砂仁

半夏麴

薏苡仁

人參

已上各錢半

甘草

葶澄茄

各一錢

右作一服用水二鍾生薑五片棗二枚煎至一鍾不

拘時服



請肝湯 治前陰如冰冷并陰汗兩脚痿軟無力

黃芪 半一錢

人參 去蘆

乾葛

白茯苓 去皮

猪苓

升麻

錢一

柴胡

去苗

當歸身

羌活

連翹

黃蘗 炒

澤瀉

蒼朮

神麴

知母

防風

陳皮

甘草

各半錢

右咬咀作一服用水二鍾煎至一鍾食前服

蠲痺湯 治冷痺手足腰痛沉重及身體煩疼背項拘

急

當歸 酒浸

赤芍藥

苦參

片薑黃



羌活

已上各二錢

甘草

炙一錢

右作一服用水二鍾

薑五片棗二枚煎至一鍾食

前服一方加防風二錢

以

五痺湯

治風寒濕之為
孔客留肌體手足緩弱麻痺不

仁

片薑黃

羌活

白朮

防己

各二錢半

甘草

炙一錢

右作一服用水二鍾生薑七片煎至一鍾病在上食

後服病在下食前服

附子八物湯

治白虎歷節風身痛如錐不可忍

附子

炮去皮

乾薑

炮

芍藥

已上各一錢半

白朮

二錢

茯苓

去皮

桂心

去皮

人參

去蘆

甘草

炙

右作一服用水二鍾煎至一鍾食前服一方去桂加

熟地黃二錢

三痺湯 治血氣澁滯手足拘攣風痺等疾並宜服之

杜仲

薑炒

防風

桂心

川續斷

人參

當歸

秦艽

生地黄

茯苓

川芎

黃芪

細辛

芍藥

獨活

牛膝

甘草

炙已上各八分

右作一服用水二鍾生薑三片棗一枚煎至一鍾不



拘時服

茯神湯 治心痺神思昏塞四肢不利胃中煩悶時復

恐悸

茯神 去木

羌活 去蘆

麻黃 去根節

麥門冬 去心

龍齒 已上各一兩

遠志 去心

犀角屑

薏苡仁

人參 去蘆

蔓荊子

防風 已上各七錢半

赤芍藥

甘草 炙各半兩

右咬咀每服五錢水一鍾半生薑五片煎至八分不

拘時服

巴戟天湯 治冷痺脚膝疼痛行履艱難



巴戟天 去心 三兩 附子 炮去 皮臍

甘草 炙

五加皮 各二 兩

牛膝 酒浸 焙

石斛 去根

草薺

白茯苓 去 皮

防風 去蘆 義各 一兩半

右咬咀每服五錢用水一鍾半生薑三片煎至八分

食前温服

雞鳴散 治脚氣第一品藥不問男女皆可服如人感

風濕流注脚足痛不可忍用索懸吊叫聲不絕筋脉

腫大

檳榔 七枚

陳皮 各一 兩 木瓜 各一 兩

吳茱萸 錢二

生薑 連皮

桔梗 各半 兩

紫蘇 葉 錢三



右爲粗末分作八服每服隔宿用水三大盞慢火煎
至盞半去粗再用水二盞煎粗取一小盞去粗兩次
煎汁相和安頓床頭次日五更分二三服只是冷服
冬月畧溫亦得服了用餅餌壓下如服不盡留次日
漸漸喫亦可服此藥至天明大便當下一盞許黑糞
水即是原腎家感寒濕毒氣下來也至早晚前後痛
住腫消但只是放遲遲喫物候藥力過此藥不是宣
藥並無所忌

十全丹 治脚氣上攻心腎相繫足心隱痛小腹不仁

煩渴小便或祕或利關節變痺痿痛神効不可盡述

肉苁蓉 酒浸

狗脊 燎去毛

草薺

茯苓 去皮

牛膝 酒浸

遠志 去心炒

地膚子

石斛 已上各一兩

熟地黃 酒浸焙乾

杜仲 去皮炒各三兩

右為細末煉蜜和圓如梧桐子大每服五十圓食前

用溫酒鹽湯任下

五斤圓 治筋血不足腰脚緩弱行步艱難一切寒濕

脚氣

沒藥 另研

川烏 炮去皮

虎脛骨 酥炙黃色

山藥 已上各四兩

天麻 鹽焙

牛膝 去根酒浸

肉苁蓉 酒浸焙

木瓜 已上各一斤

右除木瓜餘藥並為細末將木瓜爛蒸研作糊和藥

末如不就將原浸牛膝酒打糊搜和并一二千下圓
如梧桐子大每服五十圓食前用溫酒或鹽湯送下
若只用後四味名四斤圓治法亦同

不老地仙丹 治腎臟風毒此藥常服能輕脚膝壯筋

骨補腎駐顏

牛膝 酒浸 焙

虎脛骨 酒炙 焙

肉蓯蓉 酒浸 焙

蒺藜 炒去刺

川椒 去目炒 出汗

川芎 已上各 一兩

赤小豆

水蠶子 去油

茴香 炒

乳香 另研

防風 去蘆 又

杜仲 薑汁炒 去絲

沒藥 另研

羌活 去蘆

獨活 已上各 七錢半

天南星 炮

白附子 炮

何首烏

黃芪 蜜炙各七錢

右為細末酒糊為圓如梧桐子大每服四五十圓空

心用木瓜陳皮煎湯送下

擒虎丹 治風寒濕走注脚痺腰膝重痛

五靈脂

荆芥

川烏 炮去皮臍

當歸 酒浸焙

白膠香

自然銅 火煨醋淬七次研各二兩

右為細末酒煮糊為圓如梧桐子大每服二十圓用

溫酒食後服日進二服

牛膝圓 治腎肝損骨痿不能起於床筋弱不能收持

宜益精緩其中



牛膝 酒浸

草薺

杜仲 炒去絲

白茯苓

防風 去蘆

兔絲子 酒煮搗焙乾

菴蓉 酒浸已上各二兩

肉桂 去皮一兩

右爲細末用酒煮猪腰子爛搗和爲圓如梧桐子大

每服五十圓空心温酒送下

續斷圓 治風濕流注四肢浮腫肌肉麻痺

續斷

當歸 炒

草薺

附子 炮去皮臍

防風 去蘆

天麻 各兩

乳香 另研

沒藥 各半兩另研

川芎 去護土錢半

右爲細末煉蜜和圓如梧桐子大每服四十圓空心

温酒或米飲送下



乳香宣經圓 治風寒濕痺四肢拘攣筋骨疼痛行步

艱難脾氣諸疾並宜服之

乳香 另研

附子 炮去皮

木香 不見火

五靈脂 兩

黑豆 三合 生用

草烏 去皮 尖炒

川練子 取肉 微炒

茴香 炒已上 各二兩

防風 去叉

陳皮 去白

黑牽牛 生用

威靈仙 洗去土

烏藥 已上各 四兩

右為細末酒煮麩糊和圓如梧桐子大每服三十圓
漸加至五七十圓空心用溫酒送下圓咬碎餅子大

牛膝 肉桂 白芍 茯苓 甘草 羌活 獨活 杜仲 桑寄生 薤白 枳殼 枳實 木香 五靈脂 川練子 草烏 防風 陳皮 黑牽牛 威靈仙

宜率 藜蘆 中草藥

桂中 炒去

白芍藥



自汗盜汗門

內經云衛氣者所以溫分肉充皮毛肥腠理司開闔者也又曰陽氣者衛外而爲固出者也是以體虛之人或爲風暑濕邪所干遂使分肉不溫皮毛不充腠理不密開闔不固則陽氣外泄而汗爲之出也夫汗者心之液也心動則惕然而汗出也有自汗有盜汗自汗者不因發散而自然出也盜汗者睡而汗出及覺則不出矣自汗盜汗其一液也其出異也若陽蒸陽分而液出者爲自汗陽蒸陰分而液出者爲盜汗故陰虛陽必乘發熱而盜汗陽虛陰必乘發厥而自汗

此陰陽偏勝之所致也。又有驚怖房室勞極，歷節腸癰，痰飲產辱及傷寒風溫濕溫等病，皆能令人自汗。其盜汗乃心虛所致也。其脉多微而濇濡而虛，治法風者固之，暑者清之，濕者燥之，驚怖者鎮之，房勞虛極者溫而補之，其汗多亡陽者宜溫其經而收斂之。其餘各隨其證而治之。大法收斂心氣，補益腎水，俾陰陽調和其汗自止矣。

術附湯 治汗多亡陽手足厥逆及中濕脉細自汗體

重

白朮 四錢

附子

炮去皮 二錢

甘草

炙一分 一錢

右咬咀作一服用水二鍾生薑三片紅棗二枚煎至八分食前溫服

桂枝湯 治傷風脉浮自汗惡風

方見傷寒門

當歸六黃湯 治盜汗之聖藥也

當歸

黃蘗

生地黃

熟地黃

黃芩

黃連

已上各一錢半

黃芪

二錢

右作一服水二鍾煎至一鍾臨臥服

黃芪湯 治喜怒驚恐房室虛勞以致陰陽偏虛或發

厥自汗或盜汗不止並宜服之



黃芪 去蘆蜜炙二錢

白茯苓 去皮

熟地黄 酒蒸

肉桂 不見

天門冬

麻黃根

龍骨 已上各一錢

五味子

浮小麥 炒

防風 去蘆各八分

當歸 去蘆酒浸

甘草 各七分

右作一服用水二鍾生薑五片煎至一鍾食遠服發

厥自汗加熱附子發熱自汗加石斛

大建中湯 治虛熱盜汗百節酸疼腰痛肢體倦怠日

漸羸弱口苦舌澁心怔短氣

綿黃芪 炙

遠志 燈心煮去心

當歸 酒洗

澤瀉 已上各一錢

白芍藥

龍骨 煨

人參 已上各一錢半

甘草 炙一錢

右作一服用水二鍾生薑五片煎至一鍾食前服氣



弱加炮附子二錢腰痛筋急加官桂去皮一錢

麥煎散

治榮衛不調夜多盜汗四肢煩疼飲食少進

面黃肌瘦並皆治之

柴胡

秦艽

鱉甲

二兩醋煮三五沸去裙襴再用醋炙黃

乾漆

炒盡烟

人參

茯苓

乾葛

川烏

炮去皮尖

玄參

已上一兩

右為細末每服二錢先用小麥三七粒煎湯一盞去

麥入藥再煎三五沸食後服

建中湯 治表虛自汗

芍藥 五錢

官桂

甘草 各二錢

右作一服用水二鍾生薑五片棗二枚煎至一鍾食

前服加黃芪二錢名黃芪建中湯治虛勞自汗加當

歸名當歸建中湯治婦人血氣自汗其自汗漏不止

者加桂一錢熟附子半箇名桂枝附子湯煎空心服

牡蠣散 治諸虛體常自汗驚惕不寧

左顧牡蠣 用米泔洗煨過

黃芪 蜜炙

麻黃根 各一兩

白朮 半兩

甘草 炙

錢半

小麥

百餘粒

右咬咀每服三四錢用水二鍾煎至一鍾食後服

周衛湯 治自汗

麻黃根

黃芪

各一錢

甘草梢

生用

當歸梢



黄芩 心各半

生地黄

麥門冬 各二分

五味子 各一分

猪苓 一分

羌活 七分

蘇木

紅花 各一分

右吹咀作一分用水二鍾煎至七分食前服

四白散 治男子婦人血虛發熱夜多盜汗羸瘦脚痛

不能行

白朮

白藟豆

藿香

益智

厚朴 薑製

黄芪

陳皮 已上各一两

白茯苓

人參

半夏 薑製

烏藥

白豆蔻

甘草 已上各半两

芍藥 一两

檀香

沉香 各二钱半

右吹咀每服五錢用水二鍾生薑三片棗一枚煎至



八分食前温服

牡蠣白朮散 治漏風證飲酒中風汗多食則汗出如

洗久不治必為消渴

牡蠣 煨三兩

白朮 一兩二錢半

防風 二兩半

右吹咀每服五錢水二盞煎至七分食遠温服惡風

倍防風白朮汗多面腫倍牡蠣

撫芎湯 治自汗頭眩痰逆惡心

川芎

白朮 炒

陳皮 已上各二錢

甘草 一錢

右吹咀作一服水二盞生薑三片煎至七分不拘時

服



團參湯 治大人小兒腋汗大人乃心血液盛面常發

赤者是也小兒因驚而得宜服珍珠散史丞相苦當

盜汗不止氣弱體羸治之不愈一日洪舍人相見一

醫人云心血液盛亦為汗非虛也宜用藥收斂心經

遂傳此方服之而愈

人參 新羅者

川當歸 去蘆焙各半兩

右咬咀用猪心一箇切作三片藥三分服每服用水

一盞猪心一片煎至一盞去粗服食前三次服一方

加黃芪

五倍子散 治虛汗盜汗不止者

用五倍子為細末臨睡以白已津唾調填臍中神效

白朮散 治盜汗極驗

白朮

不拘多少剉作塊或絹大

浮麥 一升

右用水煮乾如白朮尚硬又加水一二升煮軟取出
去麥不用切作片焙乾研為細末每服二三錢不拘
時另用浮麥煎湯調服

止汗溫粉

川芎

白芷

藁本

各一兩

米粉

三兩

右為細末每用綿絹包裹撲於身上

又止汗粉



麻黃根

牡蠣粉

敗扇灰

枯葶

已上各
三兩

白朮 二兩

米粉 三升

右為末和米粉攪勻以細絹袋盛用撲身體上日三
兩度忌桃李雀肉仍灸大椎五六百炷日灸二七五
七炷任意灸亦得汗即漸止



治空汗

白木

右用水煮乾如白木尚硬又加水一二升

去麥不用切作片焙乾研為細末每服二三錢

時秋時意交亦動我服補土

上兩法湯淋李當肉外灸大餅正六百秋日灸二十

式發奉吟米餅餅世以照臨藥盤用對良醫送日

石白木末每用米餅包裏撲於身上

又止麻黃餅 坤藥餅 想保心 林葉



怔忡健忘動悸門

夫怔忡者心血不足心中躁動不寧也蓋心主血血旺則心主自安矣一或爲喜怒憂恐所動則真血虛耗心主失輔而成怔忡矣又或外感風寒暑濕之氣閉塞諸經及恟飲停留中脘皆能令人怔忡至於健忘者謂陡然而忘其事也主於心脾二經蓋心之官則思脾亦主思此由思慮過度有傷心脾而得也傷於心則真血耗散神不守舍傷於脾則胃氣虛憊而慮愈深二者皆能令人健忘也或停飲而氣鬱生痰使心脾之氣不得舒亦成斯疾若夫動悸者謂心中

惕然動悸而驚也心下怯怯如人將捕由心膽虛怯
之所致也蓋心者君主之官神明出焉膽者中正之
官決斷出焉或因事有所大驚或見異相登高涉險
驚忤心神氣與涎鬱則必驚悸驚悸不已變生諸證
或短氣悸乏或體倦自汗四肢浮腫飲食無味心虛
煩悶坐卧不寧此皆心膽虛怯之候也夫怔忡也健
忘也動悸也三者名雖不同未不由心血不足脾
氣虛弱積飲停痰而成也治之唯在補養心血調和
脾胃寧其神化其痰使神氣充滿心安氣舒則無三
者之患也

益榮湯 治思慮過多耗傷心血 心血既傷神無所守

是以怔忡恍惚善非憂少顏色夜多不寐小便或濁

當歸 酒浸 黃芪 去蘆 小草 酸棗仁 炒去

柏子仁 炒 茯神 去木 木香 不見火 麥門冬 去心

白芍藥 人參 去蘆 紫石英 煅研 苝草 炙各

右作一服用水二鍾生薑三片棗二枚煎至一鍾不

拘時服

茯苓飲子 治痰飲蓄於心胃怔忡不已

赤茯苓 去皮 半夏 湯泡 七次 茯神 去木 麥門冬 去心

橘紅 炙半 沉香 不見火 檳榔 甘草 炙各



右作一服用水二鍾生薑五片煎至一鍾不拘時服

歸脾湯 治思慮過多勞傷心脾健忘怔忡

人參 去蘆 木香 各一錢 茯神 去皮 龍眼肉

黃芪 去蘆 酸棗仁 白朮 已上各一錢半 甘草 炙半錢

右作一服用水二鍾生薑五片棗一枚煎至一鍾不

拘時服

十味溫膽湯 治心膽虛怯觸事易驚夢寢不祥異象

相感遂致心驚氣鬱生痰涎延與氣搏變生諸證或

短氣悸之或復自汗四肢浮腫飲食無味心虛煩悶

坐卧不安



半夏 湯泡

枳實 麩炒

橘紅 絡二

白茯苓 一錢

酸棗仁

遠志 去心 甘草 水煮

五味子

熟地黃 焙

人參 去蘆 各一錢

甘草 炙半錢

右作一服用水二鍾生薑五片棗一放煎至一鍾不

拘時服

養心湯 治虛損心血不足驚悸不寧

黃芪 炙

茯神 皮去木

白茯苓 去皮

半夏 麩

當歸

川芎 已上各一錢半

遠志 去心 薑汁炒

酸棗仁 微炒

肉桂 去皮

柏子仁

五味子

人參 已上各一錢

甘草 炙半錢

右作一服用水二鍾生薑五片棗二枚煎至一鍾食

前服

葉氏鎮心爽神湯 治心腎不交上盛下虛心神恍惚

睡多驚悸小便頻數遺精白濁常服鎮心安神

石菖蒲 去毛半兩

甘草 炙四錢

人參 去蘆

赤茯苓 各三錢

酸棗仁 炒一錢半

當歸 酒浸焙三錢

南星 炮二錢半

陳皮 去白

山藥

細辛 去苗

紫苑 去蘆

半夏 湯泡七次

川芎

五味子 各一錢

通草

麥門冬 志

覆盆子

各一錢半

栝子仁 炒

枸杞子

各一錢

右吹咀每服四錢用水一鍾蜜一匙煎至五分去粗



入麝香少許再煎一二沸不拘時溫服

葉氏定心湯 理心氣不足坐立血衰少精神恍惚夢中

失精

人參 去蘆

白茯苓 去皮 茯神 去皮

黃芪 各三兩

白朮

赤石脂 研 川芎

厚朴 薑製各二兩

官桂 去皮

紫苑茸

防風 各二兩

麥門冬 去心二兩半

其草 兩

右吹咀每服三錢用水一鍾赤小豆七十粒煎至七

分食後服

人參固本圓 夫人心生血血生氣氣生精精盛髮長



不自容貌不衰今人滋補氣血多用性熱之藥殊不知
其治此方盖用生地黄能生精血用天門冬引入所
生之地熟地黄能補精血用麥門冬引入所補之地
又以人參能通心氣使五味併用實補益心血又名
二黃圓

生地黄 洗

熟地黄 洗

蒸

天門冬 志

志

麥門冬 志

各兩

人參

去蘆 半兩

右為細末煉蜜和圓如梧桐子大每服五十圓空心

溫酒或鹽湯任下

八物定志圓

補益心神安定魂魄治痰去胃中邪熱



人參 一兩半 去蘆

石菖蒲

遠志 去心

茯苓 去皮

茯神 去心各一兩

硃砂 一錢 爲衣

白朮

麥門冬 去心 半兩

牛黃 二錢 另研

右爲細末煉蜜和圓如梧桐子大以硃砂爲衣每服

五十圓不拘時米飲送下

寧志膏 治心神恍惚一時健忘

辰砂 研細 水飛

乳香 另研 半兩

酸棗仁 炒去 皮研

人參 去蘆 各一兩

右爲末和勻煉蜜爲圓如彈子大每服一圓空心用

溫酒或棗湯送下

平補鎮心丹 治心血不足時或怔忡夜多異夢如墮



層崖常服安心腎益榮衛

白茯苓 半兩

五味子

車前子

茯神 去皮

麥門冬 去心

肉桂 去皮各一兩二錢半

遠志

去心并草水煮

天門冬 去心

山藥 薑製各一兩半

酸棗仁 二錢半

熟地黃

酒蒸一兩半

人參 去蘆五錢

龍齒 一兩半

硃砂 半兩細研為末

右為細末煉蜜和圓如梧桐子大每服五十圓空心

米飲温酒任下

妙香散 治心氣不足志意不定驚悸恐怖悲憂感

虛煩少睡喜怒不常夜多盜汗飲食無味頭目昏眩

常服補益氣血安神鎮心



麝香 一錢 另研

山藥 薑汁炙 一兩

人參 半兩

木香 二錢 半

茯苓 去皮

茯神 去皮 木

黃芪 各一 兩

桔梗 半兩

甘草 炙半 兩

遠志 去心炒 一兩

辰砂 三錢 另研

右為末每服二錢不拘時溫酒調服

定志圓 治心氣不足恍惚多忘常服安神定志

遠志 去心 二兩

人參 去蘆 三兩

菖蒲 二兩

白茯苓 去蘆 三兩

右為末煉蜜和圓如梧桐子大以細研硃砂為衣每

服三五十圓米飲後服

壽星圓 治心膽被驚神不守舍或痰迷心竅恍惚健

忘



天南星

一斤先將炭三十斤燒一地坑通紅去炭火以酒五升傾於地坑內候津泄盡下南星在坑內

以盆覆坑周圍用灰確定勿令走氣次日取出為末

硃砂 二兩 另研

琥珀 一兩 另研

右各為細末和勻用生薑汁煮麵糊和圓如梧桐子

大每服三十圓加至五十圓食後煎人參石菖蒲湯

送下

二丹圓 治健忘養神定志和血安神外華膝理

天門冬 去心 熟地黃 丹參 一已上 白茯苓 去皮

麥門冬 去心 甘草 一已上 各遠志 去心 人參 去蘆各半兩

右為細末煉蜜和圓以硃砂半兩研極細為衣每服

五十圓加至百圓空心煎愈風湯送下 愈風湯方見



秘傳酸棗仁湯 治心腎水火不交精血虛耗痰飲內

畜怔忡恍惚夜卧不安

酸棗仁

去皮

遠志

去心

黃芪

生熟

白茯苓

蓮肉

去心

當歸

酒浸

人參

末同味

茯神

已上各

陳皮

粉草

炙各

右咬咀每服四錢水一盞半生薑三片棗一枚以瓦

器煎七分日二服臨卧一服

安神圓 治心神煩亂怔忡兀兀欲吐胃中氣亂而熱

有似懊懷之狀皆膈上血中伏火蒸蒸然不安宜用

權衡法以鎮陰火之浮行以養上焦之元氣經云熱



淫所勝治以其寒以苦瀉之以黃連之苦寒去心煩
除濕熱為君以其草生地黃之其寒瀉火補氣滋生
陰血為臣以當歸補血不足以硃砂納浮溜之火而
安神明也

黃連

一錢五分
酒浸硃砂

一錢
水飛酒生地黃

酒當歸身

甘草

炙已上
各五分

右件除硃砂水飛外搗四味為細末同和勻湯浸蒸
餅為圓如黍米大每服十五圓津唾嚥下食後

十四友圓 治心血俱虛怔忡驚惕

栝子仁

遠志

紫石英

酸棗仁

熟地黄

當歸 去蘆

白茯苓 去皮

白茯神 去木

人參 去蘆

黃芪 多

阿膠 炒

辣桂 去皮

龍齒 研各一兩

硃砂 研各半兩

右為細末煉蜜為圓如梧桐子大每服五十圓食後

用棗湯送下

參乳圓 治心氣不足怔忡自汗

人參 去蘆一兩

乳香 三錢另研

當歸 二兩

右為細末研勻山藥煮糊和圓如梧桐子大每服三

十圓食後棗湯送下

十國身效藥子... 生地黄之其寒瀉火...

除... 山藥... 圓... 大...

安... 參... 香... 當...

參... 圓... 生地黄... 酒...

甲...

若... 圓... 每...

米... 五圓... 下食後...

黃... 怔... 棘...

當... 白... 香...



疝氣門

夫疝者辜丸連小腹急痛也素問靈樞脈經所論疝
證最多難以盡舉姑以七疝論之一曰厥疝謂厥逆
心痛足寒飲食吐逆不下二曰瘕疝腹中氣乍滿心
下盡痛氣積如臂三曰寒疝因寒飲食積脇下腹中
盡痛四曰盤疝腹中氣痛盤結臍傍五曰氣疝腹中
乍滿乍減而痛六曰附疝腹中臍下有積聚七曰狼
疝小腹與陰相引而痛大便難此七疝之形證也又
有所謂心疝飢疝疝癖小腸氣膀胱氣奔豚氣橫弦
豎弦偏墜木腎腎餘陰腫其名不同要皆疝之類也

原其所得之由未有不因七情四氣之所干也內經云任脉之爲病男子內結七疝女子帶下癥聚然則諸疝皆任脉之本源也劉河間以爲聚寒朱丹溪以爲濕熱陳無擇以爲有寒有熱而張子和以爲專屬厥陰肝經四者之論各有至理存焉觀內經等所論則五臟皆有疝而太陽小腸膀胱與厥陰肝經爲疝之主其氣相通運爲外腎系於睪丸此三經乃相連相會者也蓋肝者筋之合也聚於陰器凡疝之發皆其部分故曰疝本肝經是也治法當以疎導爲主或溫之或散之要在隨其各經之證施治之則無不愈

矣

聚香飲子

治七情所傷遂成七疝心膈脹痛引腰連

脇不可俛仰

檀香

木香

乳香

沉香

丁香

藿香

川烏

延胡索

桔梗

桂心

甘草

片薑黃

右作一服用水二鍾生薑三片棗一枚煎至八分食

煎溫服

鱈魚散

治男子脾胃虛寒氣滯不行攻刺心腹痛連

胃脇及膀胱小腸疝氣又治婦人血氣刺痛並宜服

方見諸氣門

補腎湯 治寒疝入腹小腹疼痛時復泄瀉胃膈痞塞

沉香 五分

人參

茯苓

附子

炮去皮臍

黃芪

白朮

木瓜

已上各一錢半

羌活

芎藭

紫蘇

甘草

炙一錢

右作一服用水二鍾生薑三片棗一枚煎至一鍾食

前服嘔吐加半夏一錢生薑七片煎服

益智仁湯 治疝氣痛連小腹攣搖不已其脉沉緊是

腎經積冷所致

益智

乾薑

甘草 炙

茴香

炒各一錢



烏頭炮去皮尖

生薑各一錢

青皮一錢

右作一服用水二鍾入鹽少許煎至八分食前服

木香散 治心疝小腹痛悶不已者

木香

陳皮

良薑

乾薑炮

訶子

去核

枳實

剉炒各一錢半

草豆蔻

黑牽牛

川芎

已上各一錢

右作一服用水二鍾煎至一鍾食前服或為細末每

服二錢空心白湯調下

沉附湯

治腎虛無陽小腸氣痛小腹外腎時冷兼治

濕證



附子 生用

香附 各二錢

沉香

葶澄茄

辣桂

甘草 各一錢

右作一服水二鍾生薑七片煎至一鍾空心服

桂薑湯 治無陽膈冷疝氣兼治濕證

辣桂

川白薑

吳茱萸

用酒醋浸一宿焙乾已上各一錢

良薑

茴香 炒

葶澄茄

縮砂仁

木香

茯苓

益智仁

甘草 各八分

右作一服水二鍾煎至一鍾食前服

秘傳茱萸內消圓 治腎虛為邪所襲伏留作痛陰癩

偏大或生瘡出黃水



吳茱萸 半酒半醋浸
山茱萸 蒸去核
馬蘭花 醋浸焙乾

黑牽牛 炒取頭末
延胡索 炒
川練子 蒸去皮核
海藻 洗去鹽焙

舶上茴香 炒鹽
橘皮
青皮 去穰
官桂 已上各一兩

桃仁 去皮尖
白蒺藜 炒去刺
木香 各半兩

右為細末酒煮稀糊為圓如梧桐子大每服四十圓
空心用溫酒或鹽湯送下

橘核圓 治四種癩病卵核腫脹偏有大小或堅硬如石或引臍腹絞痛甚則膚囊腫脹或成瘡毒輕則時出黃水甚則成癰潰爛

橘核炒
海藻洗
昆布洗
桃仁



川練肉炒

海帶

洗已上各一兩

厚朴

薑炙

延胡索炒

枳實麩炒

桂心

火不見

木香

火不見

木通

已上各半兩

右為細末酒糊為圓如梧桐子大每服四十圓食前

溫酒或鹽湯送下

茴香散治膀胱氣痛

茴香

末

蓬茂

圓

金鈴子肉

每三稜略一

甘草

炙半兩

右為細末每服二錢食前熱酒調下

沉香肉消圓

治小腸疝氣陰囊腫大或左右偏腎結

核痛難忍下元虛冷久不愈者並宜服之



沉香

木香

各半 兩

胡蘆巴

酒浸

小茴香

炒各 兩

右為細末酒糊為圓如梧桐子大每服五七十圓空
心鹽湯或鹽酒任下

金鈴圓

治膀胱腫痛小腸氣陰囊腫水出不乾

金鈴子

取肉 五兩

茴香

炒

海蛤

馬蘭花

炒

破故紙

海帶

木香

兔絲子

丁香

各二 兩

右為細末麩糊為圓如梧桐子大每服五十圓空心
用溫酒或鹽湯送下

三茱圓

治小腸氣痛外腎腫墜



山茱萸 去核 吳茱萸 去梗 食茱萸 去梗 已上

川練子 一兩用斑猫四十箇去翅 破故紙 一兩去

青皮 去穢 茴香 鹽炒 青鹽 三兩上各 黑牽牛 一兩炒

右為細末醋糊為圓如梧桐子大每服五十圓用桃

仁十五箇炒煎酒送下或茴香酒亦可空心服

木香導氣圓 治男子小腸氣肚疼一切氣積以補下

元虛冷脾胃不和並宜服之有效

木香 乳香 川練子 去核 八角茴香

丁香 香附子 破故紙 胡蘆巴

荆三稜 甘草 一兩上各 杜仲 半兩炒



右爲細末酒糊爲圓如梧桐子大每服三十圓加至
五十圓空心用溫酒或鹽湯送下日進三服



青皮... 藜香... 青鹽... 皂角... 黑鼠... 白鼠...

右煎細末醋糊為圓如梧桐子大每服五十圓用桃

仁十五箇炒煎酒送下或茴香酒亦可空心服

小香導氣圓 治男子小腸氣肚疼一切氣積以補下

元虛冷脾胃不和並宜服之有效

木香 乳香 川練子 去衣八角茴香

正十圓空以用鹽醋如鹽黍豨不日數三瓶應已

成愈時茶酒醋餅為圓吹散辟疔大每服三十圓亦至



積熱門

夫積熱者謂溫熱之毒久而蘊積於內也蓋心主熱屬火然人久蘊積熱毒之氣於三焦必與心火相從陽氣太盛而作熱或素嗜辛辣芳馨肥甘之味或飲醇酒或服丹石之藥以致燥熱積於臟腑之中火熱炎熾上乘心肺或口舌生瘡或咽喉腫痛或目赤頭眩或痰涎稠濁或大小便秘結此皆積熱之所致也其有陰虛生內熱或爲消渴或爲癰疽諸熱之病又當隨其證而論之若但蘊積熱毒發於上焦者宜清涼之結於臟腑者宜蕩滌之陰虛內熱者宜滋補腎

水以攝伏之斯得治之要矣

涼膈散 治大人小兒臟腑積熱口舌生瘡痰壅不利

煩燥多渴腸胃祕澀便溺不利一切風熱並皆治之

大黃 二錢 連翹 四錢 黃芩 薄荷

梔子 朴硝 甘草 錢一

右作一服用水二鍾入蜜一匙竹葉十片煎至一鍾

不拘時服或為細末每服二錢白湯調下亦得

洗心散 治風熱痰滯心經積熱口苦唇燥眼澀多淚

大便秘結小便赤澀

白朮 一錢 麻黃 當歸 荆芥穗



大黃 煨

芍藥

甘草

各二錢

右作一服用水二鍾生薑三片薄荷少許煎至一鍾

不拘時服

四順清涼飲子

治血熱蘊結壅滯

大黃

當歸

甘草 炙

赤芍藥 各

右作一服用水二鍾煎至一鍾不拘時熱服

清氣散

治風壅痰涎上膈煩熱

枳殼

川芎

柴胡

前胡

茯苓

羌活

獨活

青皮

白朮

人參

甘草

已上各一錢

右作一服用水二鍾荊芥穗半錢煎至一鍾不拘時服

消毒犀角飲 治大人小兒內蘊邪熱痰涎壅滯或腮

項結核遍生瘡癬已潰未潰並宜服之

防風 去苗一錢

鼠黏子 炒三錢

荊芥穗 二錢

甘草 錢半

右作一服用水二鍾煎至一鍾食後溫服

黃連解毒湯 治熱毒煩悶口燥呻吟畜熱內甚諸藥

不能退其熱勢者

方見火門

黃芩湯 治心勞實熱口瘡心煩腹滿小便不利



黃芩

澤瀉

梔子仁

生乾地黃

木通

黃連

去鬚

麥門冬

去心

甘草

炙各二錢二分

右作一服用水二鍾生薑五片煎至一鍾食前溫服

既濟清神散 益腎水降心火清上實下

桔梗

黃芩

川芎

山梔子

當歸

羌活

白朮

茯苓

已上各二兩

知母

甘草

薄荷

各半兩

右吹咀每服五錢水一盞半煎至七分去粗入蜜調

服

三黃圓 治丈夫婦人三焦積熱咽喉腫閉心膈燥煩



小便赤澁大便秘結

黃連

去鬚

黃芩

去蘆

大黃

各十兩

右為細末煉蜜為圓如梧桐子大每服四十圓白湯

食後送下

薄荷煎 治口舌生瘡痰涎壅塞咽喉腫痛

薄荷

一斤取頭末三兩半

縮砂

半兩取末二錢

川芎

半兩取末二錢

片腦

半錢另研

甘草

半兩取末二錢半

右為細末煉蜜和圓如龍眼大不拘時任意噙化和

劑方中無片腦有桔梗

大金花園 治三焦積熱心火炎上口舌生瘡咽喉腫



痛大便秘結小便赤澀

黃連

黃芩

黃芩

大黃

各等分

右為末滴水為圓如梧桐子大每服三十圓熟水送下不拘時一方去大黃加梔子名梔子金花圓

神芩圓 治上焦頭目一切風熱證神効

大黃

生用

黃芩

各二兩

牽牛

生用

滑石

各四兩

黃連

薄荷

川芎

各半兩

右為細末滴水和圓如梧桐子大每服五十圓食後

用溫湯送下

龍腦雞蘇圓

消煩渴涼上膈解酒毒除邪熱并治咳



嗽唾血鼻衄吐血諸淋下血胃熱口臭肺熱喉腥脾

疸口甜膽疸口苦並宜服之

芫胡銀州者二兩和木通以湯半升浸一宿取汁後入膏

生地黃六兩

黃芪去蘆一兩

麥門冬去心四兩木通同此胡浸

人參去蘆

蒲黃炒

阿膠炒已上各二兩雞蘇淨葉一斤即薄荷

甘草炙一兩半

右除別碾藥外餘藥為細末用好蜜二斤先煉一二

沸然後下生地黃末不住手攪令勻取木通芫胡汁

慢火熬成膏勿令焦然後入餘藥末同和為圓如豌豆

豆大每服二十圓嚼破熱水下虛寒煩熱消渴驚悸



人參湯下咳嗽吐血鼻衄麥門冬煎湯下惟諸淋草

前子煎湯下

噙化三黃圓

大黃

黃芩

黃連

各二兩半

黃藥子

白藥子

各一兩半

黃蘗

苦參

山豆根

礪砂

各一兩

京墨

三錢

片腦

一錢半

麝香

少許

右為細末用猪膽汁調勻攤在盆內甑上蒸三次露

一宿後入腦麝礪砂為圓如豆大每服一圓食後噙

化冬加知母一方有甘草

牛黃涼膈圓

治上焦壅熱口乾咽痛煩躁涎潮



牛黃

片腦

麝香各二錢半

紫石英半兩

馬牙硝

寒水石煨

硬石膏各二兩

甘草一兩

牛膽南星

七錢半

右為細末煉蜜為圓每兩作四十圓每服一圓食後

溫薄荷人參湯下

玄明粉

此藥大治邪熱所干上氣滯五臟祕澁

右用朴硝煎過澄濾五七遍至夜於星月下露至天

明自然結成青白塊子用磁罐子按實於炭火內從

慢至緊自然成汁煎沸直候不響再加頂火一煨便

取出於淨地上倒下用盆子合蓋了以去火毒然後

研為細末每二斤入生熟甘草末二兩一處攪勻
臥斟量用之或一錢二錢以桃花煎湯或蔥白湯下
此藥本性寒燒過性溫無毒忌諸般魚及毒物等

酒蒸黃連圓 治膈熱鮮酒毒厚腸胃

黃連 半斤淨用酒二升浸以瓦器
置斲上累蒸至爛取出曬乾

右為細末滴水為圓如梧桐子大每服五十圓食則
用溫酒送下



醫方選要卷之七

二斤八生綿草末二兩一法煮

相博量風之效一錢二錢又特芬根熟地黃白芍

出藥末去寒熱散到量無毒忌酒如魚及毒物等

西裝黃軍圓合劑病辨西裝長身發身二月下

五明黃軍糧食與用取二身玉藏收造

昏急臨生蘇木為圓吹本邦正十圓合正十圓食

便盡即送不... 圓每版一圓

牛膽南星七... 馬牙明

水石膏... 止痛

...

